

Производствд кӱдлдж йовад шавтлгън

болн шалтг ӱвчнлӱ харгългън

Производствд кӱдлдж йовх кӱдлмшчирн аамшг уган зокалиг эвдснӱ ашд, мӱчӱн шавтадг, эс гидж цогцдан гем авдг йовдл харгъна.

1958 джилин эргид Элст балгъсна предприятъсӱр 14 тим йовл болв. Яшалтинск района 383-ч совхозд (директорнъ ур Юхновский, профсоюзин комитетин ахлачнъ ур Бирюков) кӱдлдж шавла харгъсна ашд 283 кӱдлмшин ӱдр урв, шавла харгъсн кӱдлмшчир социальн теткврин мӱнъгнӱс 6605 арслнъ мӱнъг авб. Совхозин кӱдлмшч ур Н. С. Задорожный кӱлиннъ тавг керчӱд 40 ӱдр кӱллсн уга, М. А. Колесник гариннъ багълцгтан шав авад, 36 ӱдр кӱдлсн уга.

Черноземельск района "Черноземельский" совхозд 1958 джилин турун ӱрӱлд 14 кун шавла харгълхав, терунӱ ашд кӱдлмшин 105 ӱдр урв, тернъ государственн социальн теткврг 9012 арслнъ гару ӱзулв. ӱлгурнъ, ур И. Д. Колесников кӱдлӱн шав авад, 26 ӱдр кӱдлсн уга, Н. К. Лысенко мӱчӱн шавтагъад, 12 ӱдр кӱдлсн уга.

Производствд кӱдлдж йовад ӱрвдж уга, бичкин шавла харгълг: гариннъ хургъ керчсн, гартнъ модн орсн, нӱднднъ бог орсн йовдлмуд багъ биш. Болв бичкин шав-шархиг онъгтан эс авдг йовдл бас бӱӱнӱ, юнъгӱд гихлӱ, тиим бичкн шав-сӱрв авсн улс больничн лист авцхахш, кӱдлмшӱн царанднъ кецхӱнӱ. Тиим бичкн сӱрвиг тер дарунъ эмндж эдгӱдг эм зӱрм предприятъсӱр уга болдг учрар, тер бичкн сӱрвнъ баалад, кӱдлмшӱснъ хагълцадг йовдл бас бӱӱнӱ.

1957 джилин туршарт производствд кӱдлдж йовад шав-сӱрв, ӱвчнлӱ харгълсн улсин учринъ авад шинджлхлӱ, иим болдж гарна:

Негдвӱр, тосхлтд кӱдлджӱх улсин кӱдлг ормнъ хавчу-уутъхн болдгин учр.

Хойрдвар, кӱдлджӱх оборуованъснъ, инструментснъ эвдрнъкӱн, теруг цагланъ эс ясдгин учр.

Гурвдхла, аамшг уган техникин тускар цӱӱлгъвр багъар кегддгин, дакад онц бийсиннъ цогц-махмуд харсдг хувц-хунр, нӱднӱ шил, беелӱе уган болн нанъ чигн тиим учр.

Дӱрвдхлӱ, кунд кӱдлмшт механализм эс орлцулдгин учр.

Кесг совхозмудӱр болн предприятъсӱр мастерскойс болн цехмудт шишлнъ гер уга боллад, тиим мастерскойс болн цехмуд цаг зуур сарайст, уутъхн шавр гермудт гаргълдна. Тиим мастерскойст болн цехмудт кӱдлсн улс му бӱӱдлл орад шалтг, эс гидж шав, сӱрв авцхана. Приозери, Юстинск, Яшкульск райолин совхозмудар кӱдлмшчир тиим бӱӱдлд бӱӱцхӱнӱ. Каспийск загъсна комбинатин производствени герин бӱӱдл бас тиим. Сарпинск района Чапӱевин вертӱ совхозд нам механическ мастерской бӱӱдг гер чигн уга. Тиим луту-дундд бӱӱхиг селӱнӱ эдл-ахун министерств ӱзӱ-медӱ бӱӱсн бийнъ санамр бӱӱгълд бӱӱнӱ.

Хальмг АССР-н цуг предприятъсин, совхозмудин болн ясврин-техническ станцсин гардачир производствд кӱдлг улсин бӱӱдл ясрулхин тӱлӱ, аамшг уган техникин зокал чикӱр кӱцӱхин тӱлӱ чидлӱн нӱл уга ноолдцхадж, кӱдлмчир шав-сӱрв авдг йовдлмудиг багълрулцхах зӱвтӱ. Коммунизм тосхлгъна тӱрмуд кӱцӱлгънд кӱч-кӱлснӱ производительность икдлгън берк ик чинртӱг мартх керг уга. Предприятъсӱр кӱч-кӱлснӱ производительность ӱбдӱн болхла, советск олн-ӱмтнӱ бӱӱдл-джиргъллин кемджӱнъ ӱбдлнӱ.

ВАНЬКАН Борис

Хальмг АССР-н профсоветин инсвектор,